

"Juanchito Irausquin ta esun cu a logra scol liber pa tur mucha"

Scol liber pa tur mucha, becanan pa juinan di famia humilde, scolnan den tur bario.

Na momento cu Juan E Irausquin q.e.p.d y su partido PPA a logra haya confianza di e pueblo Arubano, tabata un realidad cu no ta tur mucha por a bai scol.

Esaki tabata depende grandemente ariba entrada di e mayornan, como cu mayornan mester a paga pa nan juinan por a bai scol.

Fuera di esaki un gran cantidad di distrito di nos pueblo no tabata tin suficiente scol basico, pesey su maneho tabata dirigi riba:

1. Crea e situacion pa garantisa cu TUR mucha lo por a bai scol basico liber, es decir cu mayornan no mester a paga mas.

2. Construi suficiente (nivel) di scol necesario rond di nos isla.

3. Amplia y moderniza e systema di duna beca pa estudiantenan Arubano.

No a dura mucho cu Bestuurcollege di P.P.A. en combinacion cu gobierno di Antiyas a pasa e cambionan legal pa garantisa cu scol liber worde introduci pa tur mucha, kitando pues e asina jama schoolgeld cu mester a paga antes. Tambe Bestuurscollege a moderniza y amplia e systema di duna beca na estudiantenan Arubano, awor juinan di buchi Juan y shi maria tambe por a haya becanan en vez di solamente e juinan di cierto "shonnan".

Fuera di esaki, a inicia cu varios proyecto di construccion di diferente nivel di scol den tur skina di nos isla.

Un di e trabaonan grandi y significativo di e Bestuurscollege di P.P.A. den añanan '60 y e gobernacion antiyano den cual PPA tabata participa, tabata pa logra un acuerdo di financiamiento cu e.o. mercado comun europeon, lo cual a conduci na construccion di varios scol y misa rond di nos isla.